

آنادولو مجھوعدی

صافی : ۵

ملی بایرامز	نجیب عاصم
فیختہ و مجادلہ لری	محمد امین
تورکلو و موغولار	ہلمی ضیا
اللہ ، بن ، روزگار ، آبدیناق	نجیب فاضل
ملت مسئلہ سی	ضیاء الدین فخری
آنادولو اقلیمی	ابراہیم حققی
خلق ادبیاتمرہ دائر نو طر	محمد خالد
آنادولو چوچوقلرینہ	اسماعیل نامی
فاوست مدینتک غروبی	رشاد شمس الدین
آنادولونک فنجی	مکرمہ بیگم
آبک ایلری : بر مصاحبہ مناسبتیہ	

ناشری : آنادولو قومانیٹ نشریات شرکئی

استانبول

۱۳۴۰

۱۳۴۰

آنادولو مجموعه سی

آیده بر نشر اولور

صافی : ۵

آگستوس ۱۳۴۰

سنه : ۱

مصاحبه

ملی بایرامیز

قرون قدیمه دنبری ، کلوب کچن بوتون ملتلك تاریخلرینه باقه حق اولورساق ، هان
هپسندله بعض مسعود کونلری تقدیس ایتک آرزوسنک موجود اولدیغنی کوریرز . ایلک
انسانلرک بیلله ، نئس ایلله سعادتی یکدیگرندن آیرارق برنجیسندن توحش ، ایکنجیسی
تجیل ایتدکیرینه نظراً ، اونلرک جمعیت حالنده کی تمثالندن عبارت اولان ملترده ده عینی
احساساتک تبارز ایتمه مهسنه امکان یوقدی . حیاتک بعض زمانلرنده قطعی بر احتیاج
تقدیس ایلله تیره ن انسانلر ، بو احتیاجلرینی باشلرندن کچن وقایعک صورت جریاندن
استفاده ایدهرک تطمین ایتدیلر . مثلاً مصرلیلر ، اوزیریس کوننده ؛ رومالیلر ، رومانک
یوم تأسیسنده بایرام یاپدیلر و بو کونلری مقدس کون عد ایدهرک تسعید ایلله دیلر . مصرلیلر
ورومالیلر کی هر ملتده سنه نك برقاق کوتی تقدیس ایتدی . او کونلرده برحسن سعادتله
متجسس قلبنک هیجانله دولدیغنی ، قارباردیغنی دویدی .

قرون قدیمه تورکلرینک ده احتمالک تقدیس ایتدکلری ملی کونلری واردی . فقط
بو کونلرک حقیقه موجود اولوب اولمادیغنه و موجود اولدیغنی حالده هانکی وقعنه نك
زمانی چرچوه سنی تشکیل ایدهن هانکی کون اولدیغنه دائر صریح و قطعی معلوما تمز
یوقدر . واقعا مشروطیتک اعلانندن صو کرا تورانخیلق جریانی دورنده بر « ارکنه قون » دن
بحث ایدیلش و تورکلرک « ارکنه قون » دن خروجی کوننک ملی بایرامز اولدیغنی ،
بیاء علیه تسعیدی لازم کلدیکي ادعا اولنشدی . حالبوکه « ارکنه قون » دن خروج
کونی تورکلره دکل ، بالعکس تورکلره آرالرنده عرقی هیچ برقرابت بولونمیان موغوللره
عائدر .

بایرام کونلری، عمومیتله ملتارک یا بویوک بر مفکوره یی استحصال ایتدکلری و یا اسارتدن قورتولدقلری کونلردر. فی الحقیقه بر ملت ییللردنبری طاشیدینی رأمک حصول و تحقیق کوننی تسعید ایتمکده حقلیدر. فردلر بیه بعض خصوصی تشبثلرنده موفق اولدقلری کونلری کندیلری ایچون مسعود بر کون تلقی ایتمکده دکلدرلر؟ فردلرک واصل اولق ایسته دکلری سعادت مرحله لری اولدینی کی ملتارک ده واردر. ملتارده طبقی فردلر کی مفکوره لرینک حصولی بر مسرت عظیمه ایله قارشیلانمقده طبیعه مضطردلر. بناء علیه مفکوره سنی استحصال ایدن ملتک بو استحصال کوننده قدسیت بولماسی غیر قابلدر. ملتارک اسارتدن خلاص اولمالری ایسه طبیعتله دائماً تعریز ایدیه جک بر حاده در. عجبا بزم، آنادولو تورکلرینک بویله ملی بر بایرام کونیز وارمیدر؟ آنادولو خلقی شیمدی یه قادار بویله بر کونی تسعید ایتش دکلدر. شوقادار که ظاهره باقازق آنادولو تورکلرینک بونوع ملی بایرامی اولمادیغنه حکم ایتمه مک ایجاب ایدر. ملی کونلریمز واقعا اوزون زمانلردر که، رمضان، قوربان بایراملریله، معراج، رغائب، ولات نبی کی دینی کونلره انحصار ایتشدیر. حالبوکه هر بویوک ملت کی بزم ده ملی بر بایرام کونیز واردر. بو کونی نه قادار طانیماش اولورسه ق اولالم، اوکون، تاریخمزده ابدیاً جانی اوله رق یاشامقده در. اوکونی بولوب چیقارمق، تثبیت و تسعید ایتک شهسز که بزم ایچون بر احتیاج و بر ضرورتدر. دینی بایراملر، ایام مقدسه اسلامیه ملی کونلریمز دکلدر. ملی کون باشقه، دینی کون باشقه در. فرانسزلرک دینی یورطیلرندن مانعا ملی کونلری واردر. مثلاً ژان دارق و باستیک ضبطی کونلری بونلردندر. ژان دارق کونی بالذات فرانسه نك خلاصه، و باستیک ضبطی کونی ده فرانسز حریتک خلاصه تصادف ایدن کونلردر. بزم ده فرانسزلر کی دینی کونلریمز دن آیری مقدس ملی کونلریمز، ملی بایراملریمز واردر. فقط بوملی بایرام کونی عجبا هانکی کوندر. شیمدی یه قادار بوتون مؤسسات سیاسیة مز، کلی بر قیافتدن زیاده دینی بر کسویه بورولوقالدقلری جهته دینی کونلریمز، ملی کون عد ایتمکده یأس کورمه مش و دینی کونلرده عینی زمانده ملی حسلریمزکده غلیانه شاهد اولمشدق. حالبوکه آرتق دینی کونلریمز کی ملی مقدس کونلریمز ده طانیمق صیراستی کلدی. خلق، اعتقادات دینه سیله بر لکده قلینده بویوک بر عشق ملی ده طاشیمقده اولدیغنه کوره بو عشقک وجه تصرفی بيلمک احتیاجده در. اونک ایچون هر خالده ایام قدسیه مزه، ایام ملیه مزک اسملرینی علاوه ایتمه مجبورز. یو قاریده سوبله مشدک که، ملتارک بایرام کونی عد ایتدکلری کونلر علی اکثر خلاص واستقلالترینی


قازانقلری کونلردر . آنادولو تورکلرینک حس تقدیسنی جلب ایدیه جک بویه برکونک وقعهسی بهمه حال آنادولونک سینه سنده جریان ایتش اولمالیدر . آنادولونک خارجنده جریان ایدن وقایع ملیه دن ، هر هانکی بری آنادولو تورکنی دوغریدن دوغری به علاقه دار ایتهدیکی ایچون بزه نه قادر فخر وغرور ویریرسه ویرسون بر بایرام کوننک وقعهسی اولاماز . اساساً ملی بایرام کونمزک وقعهسی اولق اوزره آنادولو خارجنده بر حادته آرامغده محل یوقدر . آنادولو تاریخنده پک بویوک و شرفلی کونلر واردرکه ، بونلرک هپسی آیری آیری تقدیس ایدلمک شایاندر . بونلرک فتح ویا استخلاص کونلریدر :

- ۱ . — برنجی سلطان قلیچ آرسلانک صلییلرله حرب ایتدیک ۱ تموز کونی
- ۲ . — ینه مشارالیهک صلییلرله غلبه ایتدیک ۱۴ آغستوس کونی
- ۳ . — ینه مشارالیهک صلییلری تدمیر ایلهدیک ۳ ایلول کونی
- ۴ . — برنجی سلطان مسعودک آلمان ایمپراطوریه فرانسه قرالنی هزیمته اوغراتدینی کونلر .

۵ . — ایکنجی سلطان قلیچ آرسلانک ییزانس اردوسنی محوایتدیک مشهور محاربه کونی . صوک مجاهده ملیه من استنا ایدیلدیک تقدیرده تاریخمزک شرقی بونلرک شرفلرله مقایسه ایدیله بیله جک کونلری یوقدر . نه استانبولک فتحی ، نه چالدران ظفری ، نه ده مهاج مظفرتی کونلری هیچ بروقت ذکر ایتدیکمز کونلرله اولچوله بیله جک درجه ده بویوک و شرفلی کونلر دکلدرد . فقط بوتون تاریخمزک اک بویوک و اک شرفلی برکونی واردرکه ، همان هیچ برملتک تاریخنده بونک مماثلته تصادف ایدیه من : آنادولونک فتحی کونی . بونکون ۶۶۳ سنه هجریهسی آغستوسنک ۲۶ نجی کونی اولان ملازکرد میدان محاربهسی کونیدر . بونکون سلطان آلپ آرسلانک ییزانس ایمپراطوری رومهن دیوژنیهسی اسیر ایتدیک کوندر . بونکون شرقی روما ایمپراطورلغک آنادولوده کی حاکمیتک تورکک قطعی برضربه سیله ییقیلدینی کوندر . اوکونه قادر اسلام اردولرینک آنادولوده کی اوچ عصر متبادلاً دوام ایدن تعرضاری فائده سز بر طاقم ماجرالردن صوکرا هیچه منقلب اولمقده ایدی . اموی و عباسی خلیفه لرینک محتشم اردولری متعدد و شدید تشبثلرینه رغماً آنادولوی ضبطه موفق اولاماشلردی . حالبوکه تورک سلطان اعظمی ، بویوک آلپ آرسلان برحله ایله ییزانس ایمپراطورلغنی بوتاریخی عظمتیه یقیدی و بردها دیریللمک اوزره ماضینک سینه سنه دفن ایتدی . اوکوندن اعتباراً تورکلر آنادولوی آدیم آدیم فتح ایلهدیلر . بونملکته یرلشدیلر ، اوراده دولت قوردیلر ، شهرلر یاندیلر و حیرت

انکیز برمدنیت ابداع ایتدیلر . بو بویوک کون تاریخمزک هم مبدای ، همده اک قدسی کونیدر . تاریخمزده ملی بایرام کونی عد ایدیلکه لایق و بحق لایق اولان آنحق بویوکندر . آنادولو تورکلرینک ملی وارقلرینی ادراک ایتدکلری شو زمانلرده بویوک اونوتولماسی ، بویوک تقدیس ایدیلهمسی ، بویوک تسعید اولونمامسی بلکه اک بویوک جرم ، اک بویوک کناه اولاجقدر . بویوک هر آنادولو تورکی هیچ اولمازسه قلبنه یازملی وایچندن تعزیر ایتهلیدر . بویوکون ۲۶ آغستوس کونیدر .

نجیب عاصم



فیمه و مجادلری

۱

بشریت تاریخمده فکری وحسی حرکاتک قوت وشدتی دور دور دکیشیور . برقچ عصرک یتشدیره بیله چکی استعداد ودهالر بعضاً قیصه بر زمان ایچنه صیقشیور . بویسایهده او دورلرده او قدر شدتلی حرکات فکریه وجوده کلپورکه بونک مولوداتی بر چوق زمان بشریت ایچون غرور و تسلی منعی اولویور . مثلاً میلاددن اول بشنچی ودردنچی عصرلر یونان قدیم حیاتنده کی فیاض حرکت فکریه ناک بر نظیرینی اوندن صوکر ا توالی ایدن بش ، آلتی عصر ایچنده بولمغه امکان یوقدر . کذلک اون سکرنجی عصرک نصف اخیرندن اون دوقوزنجی عصر نصفه قدر المانیاده کی ادبی و فلسفی حرکته کی شدت حقیقه امثالسزدر . یالکزیه نا دارالفنون اطارفنده طوپلانان متفکرلرک یکریمی سنه ایچنده اورتهیه قویقلری آئارده کی قدرتی مثلاً رومانیتیزم جریاننده کی شدتی صوک عصرده همان هیچ بریردی کورمک قابل دکلدر . بکا اویله کلپورکه تاریخده جغرافیا کیدر . ارض اوزرنده نظرلیمزی کزدیررکن ناصیل منبت یشیل اراضیلر کورویور ، بوکا مقابل چوللره ، قوراق و طبعیتک انعامندن اوزاق طوپراقلره تصادف ایدیورسه ق زمان وادواز ایچنده دولاشیرکنده فیاض دورلره مقابل اولو ، حرکتسز زمانلر کورویور . کیم نه دیرسه دیسین ، غربک یکرمنچی عصر باشلانچی فکری حرکات ساحه بنده چوق زوکورتدر . حالبوکه اون طقوزنجی عصر باشلانچی نه قدرتلی ، نه فیاضدی . او دورک ایده آلیست ، هیجانی متفکرلینی بویوکون بولامایورز . ارزو ایدیورمکه